

明
詩
紀
事

明中葉有李何猶唐有李杜宋有蘇黃空同詩如巨靈夙
鑿石開山大復詩如美女嬋娟傾城絕代皆一代作者也其
時又有徐昌穀邊廷實王子衡康對山王漢陂稱七才子論
者謂弘正兩朝人才傑出如王伯安之理學勲業楊升菴之
博雅直節王道思唐荆川之文章書苑則祝允明畫家則沈
文仇唐皆足以凌跨宇內炳耀一代至詩家別有蘇門君采
稚欽鴻山少玄百泉輩余私有論次另爲一集云光緒丁未
仲冬黔靈山樵陳田

明詩紀事丁籤目

卷一

李夢陽

十首

夢陽與何景明徐禎卿邊貢王廷相康海

陳沂鄭善夫號十子

何景明

五首

卷二

徐禎卿

十首

邊貢

三十七首

卷三

王廷相

二十四首

朱應登

七首

康海

九首

王九思

九首

卷四

鄭善夫

三十一首

張琦

十三首

孫一元 三十七首

卷五

顧璘

二十四首
金陵三俊

陳沂

三首

王韋

一首

卷六

伍爨

一首

錢福

二首

斯貴

一首

楊旦

一首

鄭瓘

二首

童琬

一首

王統

一首

林夔

一首

劉愷

一首

唐臣

一首

梁燾

一首

方玘

一首

張乾 一首

何孟春 四首

鄭岳 四首

秦金 一首

許天錫 四首

陳玉 一首

鄭汝美 一首

方璘 一首

姜芳 一首

卷七

許讚 一首

劉瑞 二首

劉麟 四首

劉玉 七首

張羽 五首

黃衷 一首

熊卓 四首

朱諫 二首

黃相 一首

唐錦 一首

郭東山二首

黎鳳一首

范兆祥一首

龍寬一首

楊禰一首

陳洪謨一首

羅鳳一首

卷八

林廷模一首

劉龍二首

劉蒞一首

林廷楫一首

孫緒二首

周倫三首

謝廷柱二首

都穆一首

張鳳翔一首

陳伯獻二首

李廷梧一首

程銓一首

胡文璧 一首

卷九

游潛 二十八首

陳則 一首

符錫 二首

趙善鳴 一首

鄭鵬 一首

李廷相 一首

魯鐸 七首

周用 十三首

徐問 六首

李時 一首

林茂達 一首

王尙綱 一首

陳霆 一首

孫偉 三首

范嵩 一首

金賢 一首

潘希曾 一首

卷十

董玘 一首

顧應祥 二首

張邦奇 八首

徐縉 六首

殷雲霄 十五首

安磐 七首

張鵬 一首

樂護 一首

蔡潮 一首

易舒誥 八首

陳錫 二首

鄭銘 一首

蕭世賢 一首

陳鼎 一首

穆孔暉 一首

劉寓生 一首

黃澤 一首

孟洋 四首

索承學 二首

周宣 一首

田登 一首

方獻夫 一首

卷十一

沈周 三十六首

文徵明 三十四首

唐寅 九首

卷十一下

陶成 一首

豐坊 六首

王寵 二十首

卷十二

祝允明 五首

陸深 六首

黃雲 五首

蔡羽 九首

張靈 一首

雷鯉 五首

史忠 一首

陳鐸 一首

徐霖 二首

郭謝 一首

景鼎 一首

高澱 一首

卷十三

王守仁 十七首

何瑋 一首

湛若水 三首

崔銑 一首

卷十四

石存禮 四首
海岱詩社

劉澄甫 二首

劉淵甫 一首

馮裕 一首

黃卿 四首

楊應奎 一首

陳經 一首

朱朴 十二首
小瀛洲社

陳鑑 四首

錢琦 一首

吳昂 一首

徐泰 一首

徐咸 二首

鍾梁 一首

陳瀛 一首

卷十五

史鑑 十二首

方太古 六首

程玄輔 一首

朱曜 一首

李孔修 一首

謝承舉 六首

董澧 二首

周恭 一首

薛章憲 一首

謝復 一首

魏偁 二首

倪復 二首

史自守 一首

莫止 四首

羅燾 四首

錢百川 一首

陳蒙 二首

張鈇 一首

戴冠 一首

徐岳 一首

王烈 三首

晏良用 一首

王鑑 一首

邢參 二首

姚甸 一首

吳玘 一首

鄭達 一首

羅周 一首

崔澂 一首

趙善諫 一首

卷十六

杭濟 一首

杭淮 七首

韓邦奇 一首

韓邦靖 六首

方鵬 一首

方鳳 六首

傅汝舟 七首

傅汝楫 一首

卷十七

張詩 三首

鄭作 二首

程誥 三首

戚韶 一首

姜立 一首

童瑀 一首

趙香 一首

童璫 一首

陳璽 一首

光緒丁未貴陽
陳氏聽詩齋刊

明詩紀事

貴陽陳田輯

丁籤

李夢陽十首

夢陽字獻吉廣陽人弘治癸丑進士授戶部主事遷
郎中以劾張鶴齡繫獄尋宥出代韓文草疏劾劉瑾
謫山西布政司經歷復撫他事下獄得釋瑾誅起故
官出爲江西提學副使坐作宸濠陽春書院記削籍
天啟中追諡景文有空同集六十六卷

四庫總目夢陽才力富健足以籠罩一時

橫雲山人史稿弘治時李東陽主文柄天下翕然宗
之夢陽譏其萎弱倡言文必秦漢詩必盛唐與何景
明徐禎卿邊貢朱應登顧璘陳沂鄭善夫康海王九

思號十才子又與景明禎卿貢海九思王廷相號七才子

大復集空同有超代軼俗之見其高者不能外前人
下者已踐近代夫意象應曰合意象乖曰離空同丙寅
間詩為合江西以後詩為離丙寅間作叩其音尚
中金石江西以後之作辭艱者意反近意苦者辭反
常色澹黯而中理披慢讀之若搖鞞鐸耳
國寶新編李獻吉朗暢玉立傲睨當世讀書斷自漢
魏以上故其詩文卓爾不羣晚始汎濫諸家益濟宏
博或失則龕矯枉之偏不得不然耳
王廷相家藏集李獻吉以恢闊統辯之才成沈博偉
麗之文游精於秦漢割正於六朝執符於雅謨參變
於諸子用成一家之言遂能掩蔽前賢命令當世
黃省曾五岳山人集先生古賦騷選樂府古詩漢魏
覽諸篇通類康樂近體歌行少陵太白往匠可凌
後哲難繼別興以來一人而已
升菴集唐子元薦與余書論本朝之詩李何一出變
而學杜壯平偉矣然正變雲擾而剽襲雷同比興漸
微而風騷稍遠
藝苑卮言李獻吉詩如金鵝學天神龍戲海又如韓
信用兵眾寡如意排蕩莫測國朝習杜者凡數家華
容孫宜得杜肉東郡謝榛得杜貌華州王維楨得杜

筋閩州鄭善夫得杜骨然就其所得亦近仙耳唯獻
吉具體而微

四溟詩話李獻吉極苦思垂成如一二句弗工卽棄
之田深父見而惜之獻吉曰是自家物終久還來

國史唯疑正德七年九年黃河連清李夢陽詩云今
瑞定於今帝運世人休擬聖人生蓋婉辭也至嘉靖

改元始直書其事爲入繼大統之祥云紫蓋復從嘉
靖始黃河先爲聖人清

詩談關中李夢陽崧高之秀上溯青冥龍門之派一
瀉千里獨其論黃陳不香色而時不免自犯其言

詩數李獻吉詩文山斗一代其手闕秦漢盛唐之派
可謂達磨西來獨闢禪教又如曹溪卓錫萬眾皈依

馮時可元成選集空同歌行縱橫開闔神於青蓮七
律雄渾豪麗深於杜陵異色絕後吾無問然

張煒談藝錄李獻吉雄豪壯麗如長江巨浸滔滔千
里雖有枯槎敗筏無妨飄蕩

明詩選陳卧子曰獻吉志意高邁才氣沈雄有龍罩
羣俊之懷其詩自漢魏以至開元各體見長然崢嶸

清壯不掩本色其源蓋出於秦風李舒章曰獻吉以
雄厚之思發清剛之氣如華岳秋高奇雲秀彩變動

不竭古詩樂府純法漢魏下及阮謝無不神合近體
則專宗少陵然于合處反見其離於離處反見其合

孫枝蔚四傑詩選王元美謂律至獻吉而大其大者
若冬日象山書院人亡故國還祠廟世異陰崖尚品
題臺寺夏日雲雷畫壁丹霄壯神鬼虛堂歷代遙熊
監察至自河西封事幾騰天北極簪邊真厯地西頭
繁藎次秦氏韻草綠梁臺猶殿閣花殘宋苑只宮牆
皆氣象高古者也
王士禎古夫于亭雜錄錢牧翁撰列朝詩大旨尊
西涯貶李空同李滄溟又因空同而及大復因滄溟
而及弇州索垢指癥不遺餘力夫其駁滄溟擬古樂
府擬古詩是也并空同東山草堂歌而亦疵之則妄
矣所錄空同集詩亦多氓其傑作黃省曾吳人以其
北學於空同則揜之於朱凌溪應登顧東橋璘輩亦
然予竊非之
明詩別裁空同五言古宗法陳思康樂然過於雕刻
未極自然七言古雄渾悲壯縱橫變化七言近體開
合動盪不拘故方準之杜陵幾於具體故當雄視一
代錢受之詆其模擬剽賊等於嬰兒之學語至謂讀
替種子從此斷絕吾不知其為何心也
馬星翼東泉詩話北地七言歌行最爲擅場如漢京
篇去婦詞土兵行皆有杜陵之風起調尤工其送李
中丞赴鎮黃雲橫天海氣惡前飛鵝鵠後叫鶴陰風
夜撼隨無閭曉來雪片如手緒送李帥之雲中黃風

北來雲氣惡雲州健兒夜吹角將軍按劍坐待曙紇
于山搖月半落起調相同亦有轍迹可尋
田按空同志壯才雄目短一世好拊擊人而受人拊
擊亦甚然究一時才傑亦不能出其右也成弘之閒
茶陵首執文柄海內才俊盡歸陶鑄空同出而異軍
特起壑閣墮站移於耶署始猶依違不欲顯然攻之
也贈昌穀嶧嶧百年會詩云我師崛起楊與李力挽
一髮回千鈞大賢衣鉢豈虛擲應須爾輩揚其塵至
西涯六十壽詩則僅文章班馬則道術孟顏醕二句
頌其文章而絕藝邇斯上高情韻鄉一揮驚霹靂
隻字破風塵絢練王侯宅蒼茫海嶽演幽光物窟
巨榜照嶙峋星燦將軍碣雲垂學士珉嵯題半吳楚
墨刻徧齊秦等句專頌揚其書法軒輊已見微意及
西江放廢後茶陵已歿乃放言不諱作朱漫溪墓志
云一時篤古之士爭慕響臻而執政顧不之喜惡抑
之北人樸恥乏黼黻以經學自文曰後生不務實卽
詩到李杜亦酒徒耳而柄文者承弊襲常方工雕浮
靡麗之詞取媚時眼見淩溪等古文詞愈惡抑之曰
是賣平天冠者凡號稱文學士率不獲列於清衙陰
欲因之北人謂劉文靖柄文者謂茶陵也平心而論
茶陵詩文固自可傳而空同復古之功亦不可沒從
古文人相輕由來已然論者固不必爲之左右袒矣

蓮菴辭

蓀壁兮桂宇，蔕櫟兮在下水。滴瀼瀼兮溜渠，蘭葳蕤兮當戶。菴之構兮何所接，紫闥兮崇期。菴何爲兮閉寂，窮焚榻兮參差。蔽修櫺兮連延，錯瓴甃兮委蛇。穆空洞兮內敞，豁廉隅兮外直。曲巷前通兮嘉樹，後植邇莫可探。兮遐乎可卽，匪邃曷名兮。厥惟菴德菴中兮，何有玉佩兮。青衿惠我人兮，不貌以心適我人兮。可采可栴，可棟可楹兮。維菴是學，赤帷兮翠幃。菴中人兮，西遊斗暉。暉兮晝揭，嶽巖巖兮夕秋。予邊鄙兮賤夫，悵瞻菴兮非早。幸門牆兮未磨，矢貞心兮恆保。

因按蓮菴楊公應宿爲中書舍人時讀書之室也因以爲號李西涯倡爲之解吳匏菴謝方石爲之錦林見素爲之說靳戒菴爲之序張俊陵爲之賦楊月湖爲之跋邵二泉爲之贊而空同子爲之辭東沂陳玉

華亭顧清嘉禾呂愷廣陽馮清建業劉麟和順王雲
鳳杜旻錫山陳策清苑傅珪東川劉春維揚朱應登
東萊毛維上蔡李廷學爲之詩今錄王雲鳳詩附空
同辭後云菴何爲者名之寔客有問予對以意長安
甲第臨大道畫梅輩飛瓦麟次豪奢買屋兼百家猶
嫌走馬無餘地朝歌暮管隔巷聞金鞭玉轡龍街至
窵巷先生半畝宮其門一間前後四最後南屏中置
几左右經史兼圖記心遠自無車馬喧吏隱誰知鴻
鵠志北面白首亦執經千里青衿來問字明珠在浦
聲價高寶劍眩匣光銳利飄忽風塵二十春故廬今
日屬何人窵菴號已在
天下邵子行窩到處新

功德寺

宣宗昔行幸遊戲玉泉傍立宇表藏巢開池荷芟香波樓遞
蹙沓風松奏笙簧百靈具來朝落日錦帆張萬乘雷霆動千
巖滅流光綺繡錯展轉翠旗沓低昂法眷撞鐘鼓宮女拭御
妝笙鏞沸兩岸星斗宿巖廊至尊奉太后國事付三楊六軍

各晏眠百官守舊章巡非瑤水遠跡豈玉臺荒嗚呼百年來
回首一慨傷鳳騰赤霄祥龍歸竟茫茫山風撼網戶紫殿生
夜霜退朝值沐休我行暫翔翔娟娟登岸林慘慘度石梁廢
道衰湍寫松柏間成行啟鑰肅覽歷過位增悲涼積久灑埽
缺乳鴿鳴膳堂舊時琉璃井倒樹如人長神已佐上帝教猶
託空王鈴磬颯鳴戛晨昏禮相將盤遊非聖禮操縱在先皇
至今朝廷上不改舊紀綱

蜀僖帝京景物略玉泉山功德寺李西涯記云寺故
金漢聖寺寺七殿殿九楹楹以金地彩其上宣德中
板菴禪師重建也師能役木球大如斗輪轉行馳登
下委折如日脛具逢人躍躍如首稽叩師曰入某侯
門則入募金若干曰入某戚里則入募金若干宣宗
召入命爲木球使者賜金錢遂建巨剎曰功德寺時
臨幸焉

內教塲歌

雕弓豹韃騎白馬大明門前馬不下徑入內伐鼓大同耶宣

府耶將軍者許耶一解武臣不習威奈彼四夷西內樹旗皇介

夜馳鳴砲烈火嗟嗟辛苦二解

二解

田按正德六年畿內賊起京軍不能制調邊兵大同

遊擊江彬因錢甯召見彬狡黠強狠談兵帝前帝大

悅擢都指揮僉事出入豹房同卧起盛稱邊軍驍悍

於是調遼東宣府大同延綏四鎮軍號外四家縱橫

都市中每團練大內間以角觝戲帝戎服臨之八年

命許泰領敢勇營彬領神威營賜彬國姓彬復薦萬

全都指揮李琮陝西都指揮神勇周勇略召侍豹房同

賜姓為義兒建義子府又設東西兩官廳於禁中視

團營領以泰等四人號義子四鎮軍帝自領鞬閭善

射者為一營號中軍晨夕馳逐呼譟聲達九門甲光

照宮苑空同內教塲歌紀其事也空同又有道遙

鄉鷹狗進賞詩云赤豹黃龍貢上方虞羅致爾自何

翻製細犬搔毛欲奮揚隨侍近收擊鵲校上林新起

丁戲全一

戲盧坊此亦
武宗時事

土兵行

豫章城樓饑啄烏黃狐跳跟追赤狐北風北來江怒湧土兵
搜人人叫呼城外之人徙城內塵埃不見章江塗花裙蠻奴
逐婦女白奪釵銀換酒沽父老向前語蠻奴慎勿橫行王法
誅華林桃源諸賊徒金帛子女山不如汝能破之惟汝欲犒
賞有酒牛羊豬大者陞官佩綬趨蠻奴怒言萬里入爾都爾
生我生屠我屠勁弓毒矢莫敢何意氣似欲無彭湖彭湖翻
翩飄白旗輕舸蔽水陸走車黃雲捲地春草死烈火誰分瓦
與珠寒崖日月豈盡照大邦魑魅難久居天下有道四夷守
此輩可使亦可虞何況土官妻妾俱美酒大肉吹笙竽

國史唯疑江西苦訓到狼兵掠賣子女其總兵張勇
以童男女各二人送費文憲家費發憤疏聞請嚴禁
誦李夢陽土兵行
諸篇情狀具見

立明宮行

今冬有人自京至向我道說立明宮土木侈麗誰辦此乃令
遺臭京城東制奪面勢創截梁出入日月開幘幘矯託敢與
天子競立觀忍將雙闕同前屹石柱雙蟠龍飛梁逶迤三彩
虹寶構合沓殿其後儼如山嶽翔天中金銀爲堂玉布地干
門萬戶森相通光景閃爍倏忽異雲煙鬼怪荒杳濛以東金
榜祠更侈樹之松檟雙梧桐演池島嶼鯉躍孔雀翡翠兼
熊熊那知勢極有消歇前日虎豹今沙蟲窗扉自開衛不守
人時遊玩搖玲瓏陸隅龍獸折其角近有盜換香鑪銅青苔

生泥獍面鎖野鷁哺子雕花楠憶昔此閣握乾柄帝推赤心
闔閭忠威刑羣靈縉紳毒自尊奴僕侯與公變更累朝意巨
測掎克四海真困窮長安奪地塞巷陌心復豔此閣何蒙構
結擬絕天下巧搜剔遂盡輸倖工神廠擇木內苑竭官阮選
石西山空夷墳伐屋白日黑揮汗如雨斤成風轉身睡罵閹
得知退朝督勞何匆匆人心嗟怨入骨髓鬼也孰復安高崇
義碑照耀頌何事或有送男充道童聞言愴惻黯無答私痛
聖祖開疆功渠干威福開者誰法典雖嚴奈怙終錦衣玉食
已叨竊琳宮寶宇將安雄何宮無碑鐫護敕來者但看玄明
宮

名山藏司禮監劉瑾請地數百頃費數十鉅萬作玄
明宮朝陽門外以祝上釐復請猶竹廠地五十餘頃

嬰民居千九百餘家掘人塚二千五百餘築
室餓民聽其宿倡賣酒日供贍玄明宮香火

石將軍戰場歌

清風店南逢父老告我已巳年間事店北猶存古戰場遺鏃
尙帶勤王字憶昔蒙塵實慘怛反獍勢如風雨至紫荆關頭
晝吹角殺氣軍聲滿幽朔胡兒飲馬彰義門烽火夜照燕山
雲內有于尙書外有石將軍石家官軍若雷電天清野曠來
酣戰朝廷旣失紫荆關吾民豈保清風店牽爺負子無處逃
哭聲震天風怒號兒女牀頭伏鼓角野人屋上看旌旄將軍
此時挺戈出殺敵不異草與蒿追北歸來血洗刀白日不動
蒼天高萬里煙塵一劒掃父子英雄古來少單于痛哭倒馬
關羯奴半死飛狐道處處懽聲噪鼓旗家家牛酒犒王師應

追漢室嫖姚將還憶唐家郭子儀沈吟此事六十春此地經
過淚滿巾黃雲落日古骨白砂礫慘澹愁行人行人來折戰
場柳下馬坐望居庸口卻憶千官迎駕初千乘萬騎下皇都
乾坤得見中興主殺伐重開再造圖姓名應勒雲臺上如此
戰功天下無嗚呼戰功今已無安得再生此輩西備胡

明詩別裁石亨跋扈伏法臣節有虧要之戰功不可
埋沒上皇返國寔由尚書之守將軍之戰作者特爲
表出中云還憶唐家郭子儀以不失臣節愧之也此作者微意

奉送大司馬劉公歸東山草堂歌

東山有草堂縹緲雲嶠孤前對祝融峯下瞰巴陵湖明公昔
時此堂居麋鹿熊豕當窗趨洞庭日落風浪湧倒影射堂堂
欲動慘淡誰聞紫芝曲獨善不救蒼生哭先帝親裁五色詔

老臣曾受三朝祿此時邊檄多戰聲曳履謁帝登承明謝安
笑卻淮淝敵魏相坐洲單于兵九重移榻數召見夾城日高
未下殿英謀密語人不知左右微聞至尊美自從龍去不可
攀公亦卧病思東山湘娥含笑倚竹立山鬼窈窕堂之側上
書苦死只欲歸聖旨優容意懷惻內府盤螭纓金織賜出傾
朝皆動色白金之鈿紅票記寶鈔生硬鴉翎黑崇文城門水
雲白是日觀者塗路塞城中冠蓋盡相送塵埃遮斷長安陌
人生富貴豈有極男兒要在能死國不爾抽身早亦得君不
見漢二疏千載想慕傳畫圖卽如草堂何處無祿食覩竊胡
爲乎乃知我公眞丈夫嗚呼乃知我公眞丈夫

田按華容劉忠宣東山草堂莊定山爲之題扁李西
涯有東山草堂前後賦何大復楊石淙邊華泉何燕

泉有寄贈留題詩附錄於此定山詩云封題雲卧東
山扁歌詠司空表聖詩天闕星辰遺舊履橘洲歲月
有殘棋石橫流潦潛蚪角梅迸垂蘿屈鐵枝自笑野
人閑袖手雲煙濃淡忽交馳西涯歌云少而行兮老
則歸脫繡服兮披荷衣今吾故吾兮何是非桂棹兮
蘭房君歸來兮此堂山可望佳入兮不還翩然兮歸
一方楚之水兮荆山望詩云一疏歸來卧舊山幾回
天上識容顏城邊黃石留侯去海內蒼生謝傅間日
月夢隨天闕依煙波家在洞庭灣南瞻江漢無多路
不得乘槎一往還石淙詩云南北萍蹤六載奇故人
顏采夢中疑如何遠客尋幽地剛及東君駐馬時別
去定應懸一榻相逢還爲解雙頤東山合有蒼山念
況復勸名贊未絲華泉詩云需鸛頤東山雲覆彼山
堂乘時播皇澤從龍彌入荒八荒遠且遷下上以遊
翔龍近鼎湖陰雲歸故山陽何人慰烝庶私衷鬱
徨草堂何所有蘭復有芝采采山之側飛仙相與
期寄傲雲霞間可望不可追抗手謝城市去從此
辭徒遣高世風永繫來哲思燕泉詩云唐朝綠相
宋代獨樂公起居侯夷狄姓字傳兒童古人不可
誰是閑世雄我公雖晚出德器正爾同來歸下覽臥
去志冥飛鶴東山在何許亦在東門東

戲作放歌寄別吳子

吳名廷舉字獻臣蒼梧人

惟昔少年時彈劍輕遠遊出門覽四海狂顧無九州獻策天子賜顏色錫宴出入黃金樓揚鞭過市萬馬辟半醉唾罵文成侯結交盡是扶風豪片言便脫千金裘彎弓西射白龍堆歸來洗刀青海頭崑崙河磧不入眼拂袂乃作東南遊江海洶湧浸日月島嶼蹙沓混吳越匡廬小瑣拳可碎鄱陽觸怒踢欲裂澤中龍怪能人言噴濤吹浪昏漲天大鵬舉翼四海窄笑爾弋人何慕焉東湖子君非洪涇閭穆取位之丈夫余亦豈卑卑與世而浮沈恂復共鬪非庸劣廉藺終投萬古欽攀鱗埽氛代不乏我豈復戀頭上簪鹿門黃犢穩足駕商顏紫芝山固深有飛儻附秋空音

藝苑卮言李獻吉爲戶部郎以上書極論壽甯侯事
下獄賴上恩得免一夕醉遇侯於大市街罵其生事
害人以鞭稍擊墮其齒侯悲極欲陳其事爲前疏未
久隱忍而止獻吉詩云半醉唾罵文成侯蓋指此事
也

秋懷

苑西遼后洗粧樓檻外芳湖靜不流亂世君臣那在眼異時
松柏自深愁雕闌玉柱留天女錦石秋花隱御舟萬古中華
還此地我皇親爲掃神州

西河詩話遼后梳粧臺址在太液池東小山上一名
瑤花島卽今白塔寺址是也嘗讀元時金臺集爲葛
邏祿迴賢所作中有梳粧臺詩甚佳廢苑鶯花盡荒臺
燕麥生韶華如逝水粉黛憶傾城野菊金釵小秋潭
玉鏡清誰憐舊時月曾向日邊明自注云粧臺在昭
明殿後金章宗嘗與李妃夜坐上日二人土上坐妃
應聲曰一月日遼明故云則知是臺本遼時后如遊
憩之所不止蕭太后也李空同秋懷詩苑西遼后洗

粧樓能以叶調之故易梳粧爲洗粧易臺爲樓遂致士人文士爭名是非且有誤指橋南諸閣爲洗粧樓者文筆之不可輕下乃耳

秋望

黃河水遶漢邊牆河上秋風雁幾行
客子過濠追野馬將軍
發箭射天狼黃塵古渡迷飛輓
白月橫空冷戰場聞道朔方
多勇略只今誰是郭汾陽

藝苑卮言空同集是獻吉自選亦多駁雜可刪者余見李嵩憲長稱其黃河水繞漢邊牆一首李開先少卿誦其逸詩凡十餘首極有雄渾流麗勝其集中存者

何景明 五首

景明字仲默信陽人弘治壬戌進士授中書舍人遷吏部員外出爲陝西提學副使有大復集三十八卷

丁籤卷一

四庫總目正嘉之間景明與李夢陽俱倡為復古之學
天下翕然從之文體一變然二人天分各殊取徑稍
異故集中與夢陽論詩諸書反覆詰難斷斷然不相
下平心而論摹擬蹊徑二人之所短略同至夢陽雄
邁之氣與景明諧雅之音亦各有所長正不妨離之
雙美不必更分左右袒也
空同集大復詩徒知神情會處下筆成章為高而不
知高而不法其勢如搏巨蛇駕風螭步驟即奇不足
訓也
國寶新編仲默弱冠入京身不勝衣馳才長賦便浚
作者觀其與李氏論文直取舍筏登岸為優斯將盡
棄法程專崇質性賦咏蓄述互見短長自古恆然匪
徒今日若乃天才騰逸咳唾成珠實亦人倫之雋
王氏家藏集大復欲騷儷選俛視六朝溫醇典雅丰
容色澤靡不備舉
升菴集仲默枕藉杜詩不觀餘家其於六朝初唐未
數數然也與予及薛君采言及六朝初唐始恍然自
失
詩談何景明上追漢魏下溯初唐大臣揮斤羣工斂
手
沈隱環溪詩話何仲默詩如玉工治玉遇方成圭遇
圓成璧得心應手神授非人力也

藝苑厄言何仲默詩如朝霞點水芙蓉試風又如西
施毛嬙母論才藝卻扇一顧粉黛無色仲默才秀於
李氏而不能如其大故有弱調而無累句詩體翩翩
俱在雁行
四友齋叢說顧東橋語客曰何大復詩雖則稍俊然
終是空同多一臂力
詩藪李以氣骨勝何以丰神勝學何不至不失雕龍
學李不成終類畫虎
趙彥復梁園風雅大復詩以清遠爲趣俊逸爲宗務
在舍筏而自見神情與獻吉分鏤異軫各臻其極一
以爲寔驚電煜駭目振心一以爲落日明霞餘暉映
遠
國史唯疑何大復父爲渭源驛丞太守李紀聞丞有
佳兒召與其子同學丞致仕歸貧甚具車馬集衛官
郊送之舉酒酌丞曰吾老友酌大復曰吾小友前輩
風流可慕
李開先中麓閒居集大復病危屬墓文必出空同手
時孟有涯張崑崙并其姪某在側相與私議曰自論
詩失權後絕交久矣狀去空同文必不來吾輩并樊
少南戴仲鵬亦可損轅一空同
四溟詩話何仲默詩曰元日王正月傳呼殷晚班千
官齊鵠立萬國侯龍顏辨色旌旒入衝星劍佩還聖

躬無乃倦幾欲問當關李獻吉改爲不敢問當關曹

仲禮曰吾舅所改未若仲默元句

明詩選陳卧子曰仲默委制嚴秀神氣和朗發微音

吐芳訊令人有形穢之恥李舒章曰仲默才爲風始

學擅雅宗如長江春泛草木魚龍咸懷鳬藻古詩上

睨子建下拂士衡清美合度與李競爽近體則初盛

諸家無所常師意之所寓工麗卽臻惟七言律與獻

吉同源而與流婉佚勝之高深不及似稍有伯仲之

分王士禎分甘餘話胡元瑞論明人歌行既尊空同而

略於大復不知何聽琴獵圖送徐少參津市打魚諸

篇深得少陵之體特以秀色掩之耳胡專舉明月帝

京陋矣

東泉詩話信陽古體佳句如種麻篇孤生易憔悴獨

立多憂患擣衣詩君子萬里身賤妾萬里心詠懷詩

浮雲蔽江皋白日忽已晚皆力摹六朝

田拔大復骨清神秀龍鳳之姿如蚪髯公見太原公

子令人氣奪與空同固是勁敵

昔遊篇

三星爛夜河漢流觴行瑟作中堂幽李君勿嘆息薛君且停

謳英英孟夫子聽我當筵歌昔遊昔遊少年觀上都並轡騎
嘶雙紫駟雲中十二樓羅綺照燕州夾槐複道臨仙苑垂柳
通閭對御溝平明向帝宅半醉過王侯遊梁詞賦那稱數入
洛聲名未足傳自言與我共聯翩塌翼甯知落九天折花別
青門揮袂渡湘川斑竹古魂垂淚雨蒼梧遙夢結愁煙南嶺
越江坊東城移海郊不記流年幾拋擲五見楊柳垂青梢鴻
雁散他縣鷓鴣棲故巢君從歧路悲轉蓬我在長安嗟繫匏
金門上書久不報雲閣題詩空自嘲以茲守蹉跎舊客罕經
過日與李薛輩詩酒縱歡歌春風宛轉青絲鞵夜月流連金
叵羅筆翻翠虹霓手掣生蛟鼉三千豔女羅紫宮傾城一笑
揚雙蛾星分霧散去長安豈意天垂雲雨催龍劍雄雌忽復

合朝天再覩漢衣冠帝京宮觀一如昔盤龍山鳳青雲間九
衢車馬流如水五侯甲第峙如山星樞常不轉海岳自迴環
昔日繡衣一何貴今看竄逐宰河關可憐舊賓友逝者誰復
還二三壯士力搏虎轉盼埋骨黃泉灣榮華閃爍若電露倏
仰今古凋朱顏君不見漢李廣威名萬里匈奴聞彎弓貫白
石射虎生黃雲一朝謝病逢醉尉灞亭不識故將軍君不見
秦范雎折脅摺齒隨王稽一言奪相印七國趨關西雄豪趙
魏二公子徒使虞卿從魏齊貴賤傾覆如旋風王侯豈異鳥
與蟲魯連獨蹈滄海去張良仍從黃石公孟夫子總角與君
戲共許非凡倫萬金驥褭騰天雲子今胡爲在風塵低頭視
面男子身笑予落魄亦如此痛飲狂歌非隱淪回首向崧岳

少室高嶙峋寂寥紫芝山空負桃花春會須約爾同歸去爲
招李薛兩才人

施閏章讀齋詩話往見何大復昔遊篇五百五十五
字凡十轉皆平近時龔中丞孝升老蕩子行四百七
十字凡八轉皆仄古今相望各自一體然宋禮部員
外裴悅寄邊衣詩二十句凡五換皆仄韻情致淒緊
此體不自
大復始矣

明月篇

并序

僕始讀杜子七言詩歌愛其陳事切實布辭沈著鄙
心竊效之以爲長篇聖於子美矣旣而讀漢魏以來
歌詩及唐初四子者之所爲而反復之則知漢魏固
承三百篇之後流風猶可徵焉而四子者雖工富麗
去古遠甚至其音節往往可歌乃知子美辭固沈著

而調失流轉雖成一家語實則詩歌之變體也夫詩
本性情之發者也其切而易見者莫如夫婦之間是
以三百篇首乎關雎六義首乎風而漢魏作者義關
君臣朋友辭必託諸夫婦以宣鬱而達情焉其旨遠
矣由是觀之于美之詩博涉世故出於夫婦者常少
致兼雅頌而風人之義或缺此其調反在四子之下
歟暇日爲此篇意訓若髮髯四子而才質猥弱思致
庸陋故摘詞蕪素無復統飭姑錄之以俟審聲者裁
割焉

長安月離離出海嶠遙見層城隱半輪漸看阿閣銜初照漸
澹黃金波團圓白玉盤青天流景披紅藥白露含輝汎紫蘭

紫蘭紅蕖西風起九衢夾道秋如水錦幌高褰香霧開瑣閣
斜映輕霞舉霧沈霞落天宇開萬戶千門月明裏月明皎皎
陌東西柏廬岩壘望不迷侯家臺榭光先滿戚里笙歌影乍
低濯濯芙蓉生玉沼娟娟楊柳覆金隄鳳凰樓上吹簫女蟋
蟀堂中織錦妻別有深宮閉深院年年歲歲愁相見金屋螢
流長信階綺櫳燕入昭陽殿趙女通宵侍御牀班姬此夕悲
團扇秋來明月照金徽榆黃沙白路遶迤征夫塞上憐行影
少婦窗前想畫眉上林鴻雁書中恨北地關山笛裏悲書中
笛裏空相憶幾見盈虧淚沾臆紅閨貌減落春華玉門腸斷
逢秋色春華秋色遞如流東家怨女上粧樓流蘇帳捲初安
鏡翡翠簾開自上鉤河邊織女期七夕天上嫦娥奈九秋七

夕風濤還可渡九秋霜露迴生愁九秋七夕須臾易盛年一
去真堪惜可憐揚彩入羅幃可憐流素凝瑤席未作當釀賣
酒人難邀隔座接琴客客心對此嘆蹉跎烏鵲南飛可奈何
江頭商婦移船待湖上佳人挾瑟歌此時憑闌垂玉筍此時
滅燭斂青蛾玉筍青蛾苦緘怨緘怨含情不能吐麗色春妍
桃李蹊遲輝晚媚蒲浦與君相思在二八與君相期在三
五空持夜被貼鴛鴦空持燧玉擎鸚鵡青衫泣掩琵琶絃銀
屏忍對殘釵語語離離再彈月已微穿廊入闥靄斜暉歸心日
遠大刀折極目天涯破鏡飛

四庫總目景明於七言古體深崇四傑轉韻之格王士
禋論詩絕句乃頗不以景明爲然其實七言肇自漢
氏率乏長篇魏文帝燕歌行以後始自爲音節鮑照
行路難始別成變調繼而作者實不多逢至永明以

還蟬聯煥爛宛轉抑揚規模始就故初唐以至長應
多從其格卽杜甫諸歌行魚龍百變不可端倪而洗
兵馬高都護馳馬行等篇亦不廢此一體士祇所論
以防浮豔塗飾之弊則可必以景明之論足誤後人
則不免於懲羹而吹齋矣
詩藪仲默論歌行允謂前人未發然特專明一義匪
以盡概諸方王楊四子雖偏工流暢而體格彌卑變
化未覩斯極仲默集中爲此體僅明月帝京昔遊三
篇他不盡爾其意可窺
明詩選宋韓文曰讀仲默明月篇敘似欲舍少陵而
宗初唐然其於少陵深有所得特以秀色掩之或以
爲似李東川此其姿制流佚同耳東川取境甚狹仲
默廣矣雅語亦勝之
明詩別裁新城王阮亭論詩云接迹風人明月篇何
郎妙悟本從天王揚虛駘當時體莫逐刀圭誤後賢
真不被前人瞞過

玄明宮行

君不見玄明宮中滿荆棘昔日富貴今寂寞祠園復爲中貴

取遺構空傳孽臣作雄模壯麗凌朝廷遠勢連袞跨城郭憶
昨已巳年來事秉權自倚薰天勢朝求天子苑暮奪功臣第
江艘海舶送花石戚里侯門擁金幣千人力盡萬牛死土木
功成悲此地碧水穿池象溟渤黃金作宮開日月虹蜺屈曲
垂三梁蛟龍盤擎抱雙闕城中甲第更崔嵬親戚弟兄皆閭
閻撼里歌鐘賓客遊排門冠劍公卿謁生前千門與萬戶死
時不得一邱土石家遊魂泣金谷董相然臍嘆邯鄲宮前守
衛無呵呼眞人道士三四徒石戶蒼苔生鐵鎖玉階碧草搖
金鋪星宮畫闕見行鼠日殿夜禱聞嘯狐遊客潛窺翠羽帳
市子屢竊金香爐桑田須臾變滄海桃樹不復栽玄都我朝
中官誰最貴前有王振後曹氏正統以前不得聞成化之間

未有此明聖雖能斷誅割作新未見持綱紀天下衣冠難卽
振中原寇盜時復起古來禍亂非偶然國有威靈豈常恃立
明之宮今已矣京師土木何時止南海猶催花石綱西山又
起金銀寺君不見金書追奪鐵券革長安日日迎護勅

吳偉江山圖歌

吳偉老死不可見人間畫史空嗟羨吾觀此卷江山圖飄然
意象臨虛無想彼濡毫拂絹素酒酣落筆神骨露萬里青天
動海岳空堂白日流雲霧洲傾岸側波嶺銜島嶼倒影翻源
潭江邊萬舸一時發中流颯颯開風帆崩濤湧浪勢難久漁
子舟人各回首去雁遙知七澤中落花誤認桃源口煙峯蒼
茫貌一叟面髮衣冠頗龔醜石林沙草恣點染舒卷滄洲在

吾手憶昨弘治間偉藝實絕倫供奉曾逢萬乘主招邀數過
諸侯門京師豪貴競迎致失意往往遭呵噉由來能事負性
氣輒呵貧賤終其身嗚呼吳生豈復作身後丹青轉零落殘
山剩水片紙貴百金購之不一得此卷流傳天地間我卽見
汝眞顏色

田拔吳偉字次翁別號小仙江夏人畫山水人物成
化間待詔仁智殿有時大醉被召蓬首垢面曳破阜
履中官扶掖以見命作松風圖偉翻墨汁信手塗抹
左右動色上嘆曰眞仙人筆也居無何放歸南都孝
宗登極復召見便殿命畫稱旨賜畫狀元印余嘗怪
何李與文沈同時而集中題畫詩不一見惟小仙則
空同大復屢見題詠一時好尚不可據如此迄今沈
文豔名高懸天壤好事家珍藏與五代董巨元四家
媲美而小仙畫則著錄者多微辭一時之名
千秋之業固不同也錄大復詩附論於此

懷寄邊子

汝從元歲侍今皇誰念先朝老奉常一出雲霄空悵望十年
岐路各蒼茫春天縹緲金莖露晝日氤氲紫殿香獨有揚雄
尙陪從白頭抽筆賦長楊

葉矯然龍性堂詩話何大復寄幾子詩汝從元歲侍
今皇起最似李義山上令狐相公詩王元美最愛而
屢效之如送史僉事云汝遊桂嶺疑天盡更入滇方覺地
擁登臺送汝康云汝拜尚書郎天子宵衣問朔方亦
寬寄仲芳云當年汝拜尚書郎天子宵衣問朔方亦
稍彷彿後陳臥子寄楊伯祥一律深得其妙云汝從
高卧豫章城何減西伯起名鉅鹿風塵餘部曲匡
廬煙霧擁諸生清時黨錮非難解亂後音書倍欲驚
十載離居獨惆悵滄浪東去
不勝情聲情直與信陽韻頗

明詩紀事

貴陽陳田輯

四鑑

徐禎卿十首

禎卿字昌穀一字昌國吳人弘治乙丑進士除大理寺左寺副降國子博士有迪功集六卷又有歎歎集

桐鸚鵡花閒野興自慚等集

四庫總目禎卿論詩宗旨見於談藝錄及與李夢陽第一書如云古詩三百可以博其源遺篇十九可以約其趣樂府雄高可以勵其氣離騷深永可以裨其思又云繩漢之武其流也猶至於魏宗晉之體其弊不可以悉據其所談仍北地摹古之門徑特夢陽才雄而氣盛攸揚張其詞禎卿慮澹而思深故密運以意當時不能與夢陽爭先日久論定亦不與夢陽俱廢國寶新編昌穀專門詩學究訂體裁上探騷雅下括

高岑取充棟之草刪存百一成一家之言至今海內

奉如珪璧

皇甫少玄集詩之為藝獨與眾體昌穀韻度鮮則

情言超瑩而原其趣參之以神要其構極之以變考

則古昔往往冥契君之於詩可以繼軌二晉標冠一

代

皇甫司勳集徐集獨綜菁英莫可瑕類非其佳穢

自得去取過嚴乎

環溪詩話徐迪功詩如洞天仙子偶落人間不作風

塵中語

藝苑危言徐昌穀詩如白雲自疏山泉冷然殘雪在

地掩映新月又如飛天仙偶遊下界不染塵俗昌

穀自選迪功集咸自精美無復可憾近皇甫氏為刻

外集袁氏為刻五集即少年所稱文章江左家玉

煙月揚州樹花者是已不知舞陽絳灌既貴後為

人稱其屠狗吹簫以為佳事甯不泚頰

王世懋藝圃擷餘詩有必不能廢者雖眾體未備而

獨擅一家之長如孟浩然洮洮易盡止以五言雋永

千載並稱王孟明其徐昌穀高子業乎二君詩大不

同而皆巧於用短徐能以高韻勝有蟬蛻軒舉之風

高能以深情勝有秋閨怨婦之態更千百年李何尙

有廢興二君必無絕響

國雅徐昌穀豪縱英裁格高調雅馳騁於漢唐之間
婉而有味渾而無迹諸體高妙都無累句可刪
續吳先賢贊徐昌穀初與唐寅文璧游其詩逸麗迢
見李何制作遂變而益邁研極詩之變邇其初由卿
雲以作至西京之盛沿魏晉而下其所攻論甚嚴談
藝之作出鍾嶸矣吳之文自昌穀始變而為六代關
王穉登晉陵集武宗之時文士輩出李君赤幟於關
西徐子白眉於東海李資弘亮徐學精深長才絕力
則徐不逮李清聲古色則李不逮徐
明詩選陳臥子曰昌穀似與仲默同源然仲默俊逸
昌穀矜貴又自殊宋轅文曰昌穀如秋夜銀河爛
爛垂地何李刻意少陵迪功獨宗太白不若嘉靖時
七子同境也
王士禎居易錄徐昌國談藝錄求賸鈞天之美則北
里為工不詠關雎之亂則桑中為雋當是既見空同
之後深悔其吳儂耳
田按昌穀才力不及李何富健而清詞逸格矯矯出
羣不援後人指摘良由存詩不多耳談藝一錄清言
微旨可儼
嚴滄浪

倡家詠效何遜

簾櫳秋未晚花露夕偏佳暗牖通新燭虛堂聞落釵淅淅烏
棲樹明明月墮懷相思不可見蘭生故繞階

翁方綱石洲詩話通功五集內未嘗無造詣處今讀
迪功集自必以其師古者為正矣然如朱竹垞錄其
效何遜之作云暗牖通新燭虛堂間落釵竹垞作響
落釵本是問字實不可易以首節言對上句通字似
乎可仄然此處用仄則上四句純乎諧調矣下四句
淅淅奚為而變仄蘭生奚為而變平耶漁洋最善講
音節不知曾見此否

雜謠

夫為辦妻為囚少婦出門走道逢爺娘不敢收東市街西市
街黃符下使者來狗觥觥雞鳴飛上屋風吹門前草蕭蕭

明詩選陳卧子曰此紀
正德五年八月之變

唐生將卜築桃花之塢謀家無貲貽書見讓寄此解嘲

予昔攀白日虹蜺干紫庭浮沈帝座側無人知歲星側侍公
車無所歡聊騎天馬出長安南下滄江浮七澤還攜謝客弄
波瀾青倪中開秀廬嶽瀑布灑入千峯寒冥冥仙氣貫南斗
直欲凌身燒大丹迴裾西拂巫山浦浩蕩歡心問雲雨歸來
欲奏楚王書漢主上林方好武黃金不遇心自吁白璧無媒
翻見侮昨日結交燕少年酣歌擊筑市中眠正逢天子失顏
色奪俸經時無酒錢入門百結鵲鵲盡笑立文君明鏡前卻
思舊日高陽侶黃公酒壚何處邊天下綈袍誰不憐郊卿未
具山中藥何人爲買剡溪田唐伯虎眞俠客十年與爾青雲
交傾心置腹無所惜擊我劍拂君纓請歌鸚鵡篇爲奏朱絲
絃胡爲擾擾蒼蠅之惡聲我今蹭蹬尙如此嗟爾悠悠世上

名

田按唐伯虎家吳縣城西北桃花塢爲宋樞密章叅
別業伯虎筑桃花庵又有夢墨亭昌穀此歌蓋紀其
卜築之始也昌穀又有簡伯虎詩云麻紙功名笑痕
傳如今袖手了塵緣交朋雲落看書札花月蕭條問
酒錢數里青山騎犢醉一牀黃葉擁秋眠心期兀兀
成幽病誰與高人辦草廬伯虎被禍後生事寥落賣
畫糊口余嘗謂伯虎不遇於生前而遇於生後毛子
晉爲修墓宋牧仲爲建才子亭唐陶山爲築桃花仙
館詳見錄伯虎詩前

在武昌作

洞庭葉未下瀟湘秋欲生高齋今夜雨獨卧武昌城重以桑
梓念淒其江漢情不知天外雁何事樂南征

明詩選李舒章曰八句竟不可斷

王士禎池北偶談徐楨卿洞庭葉未下一篇非太白
不能作千古絕調也曹學佺亦有秦淮送別一篇云
疏籬豆花雨遠水秋蘆煙忽弄月中笛欲開江上船

情致殆不減徐徐五集中有一絕云渺渺太湖秋水
潤扁舟搖動碧琉璃松陵不隔東南望楓落寒塘露
酒旗曹一絕可以相敵新林浦云夾岸人家映柳條
元暉遺迹草蕭蕭曾爲一夜青山客未得無情過板
橋
東泉詩話徐禎卿五律學孟襄陽氣格極相似頸聯
往往不對如故人惠思我百里寄瑤音獨在山中宿
松齋清道心併以流利爲貴不以對待爲工又陽月
隨陽鳥遙從塞上來北人江北望不見隴頭梅四句
遙對又今來寒食節獨望灞陵園高齋今夜雨獨卧
武昌城二篇句法
相似可悟活法

擬古宮詞 六首

君王無事日臨戎
韞韞親調白玉弓
千騎紅袍齊扈蹕
臂鷹遙出建章宮

上場搏戲未言回
魚鑰重重向暮開
遙聽雲中催羯鼓
君王何處打毬來

劍舞戎歌樂未休煌煌之火五城樓班姬獨卧朝陽殿卻捲珠簾望女牛

興慶池頭漏未闌梨園子弟曲將殘花前更進涼州伎無那西宮月色寒

馳道毵毵御柳垂春風挾彈羽林兒武皇親御長楊殿勅與龍駒控蠶騎

狗監離宮承宴歡掖庭通晚不迴鑾那能夜夜長門裏銀燭薰衣待漏殘

田按昌穀擬古宮詞爲康陵作也康陵始寵劉瑾繼嬰江彬錢甯花幄豹房盤遊無度九門黃店中禁圍營威武自號將軍塞門或稱家裏轍周天下遂並駕於穆王我夢江都不獨歌於隋帝雜史所陳更僕難數雖荒於臨御而藻鑒詞章今採當時詩歌備列於此李夢陽聖節聞駕出塞云干官北首望龍旂萬國

車書集鳳閣入駿穆王秋色遠幾時親擁白狼歸何
景明諸將入朝歌云河北諸軍盡有名雲中驍騎本
輕生金裝白馬翩翩出不見長安子弟兵闕下千官
侍鳳樓苑中天子建龍旂豹房虎圖先班賞武帳前
邊賜姓侯邊貢雲中曲云六軍歌舞健長征五色雲
隨九仞旌傳語胡兒休近塞太平天子駐平城又迎
鑾曲云石頭城如銀虎踞金陵山似玉龍蟠休訝六
軍停蹕久本來江左是長安自采民風問老農微行
不造近官從那知天子關天象到處雲成五色龍弓
如滿月向江開箭插寒潮捲浪迴水上鼉燈莫深避
我皇元爲射蛟來潮落江門煙水秋雲帆八月過揚
州兩京馳道三千里夾岸垂楊接御溝王廷相行邊
詩云長風吹雪暗胡天凍合胡兒飲馬泉漢帝如今
新好武左賢營部莫臨邊絳幘緋袍雲滿衣紫駟銜
鞋疾如飛三年榆塞無烽火學會唐王大打圍薛蕙
皇帝行幸南京歌云天風吹動翠雲裘坐看樓船下
石頭江左重膺天子氣金陵長作帝王州燕姬王袖
抱篋篋馬上長隨翠輦遊春來照影秦淮水愛殺江
南雲母舟淮水南邊是狹邪蛾眉臨水折江花日暮
龍舟泊何處玉牀拋在五侯家三月金陵鷺亂鳴江
邊桃葉映春隄不是行宮淹北土金陵花月使人迷
黃佐凱歌詞云孝陵松柏貼青霄鳳輦龍旗久寂寥

百歲遺黎應感嘆神孫英武似先朝錦繡白馬出新
河簇隊吳娃善凱歌譜得昇平新樂府內家休按舊
雲和朱應登皇帝南巡歌云京觀高築石頭城大旆
雙懸日月明西內舊誇提督府南都今有外家營紫
古宮中行樂詞云頻蛾度曲譜涼州轉盼承恩並紫
騶佳麗不須燕趙產才人新上大長秋擬古巡幸詞
云張灣鄒縣總與天宮通鄭善夫羽獵謠云君王自
檻入曾聞複道與天通遊歸來錫宴傳封拜狗監雞
鶴鵠裘獵騎翻盡貴遊歸來錫宴傳封拜狗監雞
坊十二侯燕京詩云緋衣紫甲入東華羯鼓鑣歌散
御花邊士盡騎天廐馬燕姬翻泣五雲車願璘武皇
南巡舊京歌云白髮梨園老樂師錦綉花帽對彈絲
行宮只奏中和調解厭南朝玉樹詞六代繁華何足
誇而今四海共為家暫看吳苑環城水終憶燕臺夾
路花游潛都下春遊云臺殿玲瓏隔綵霞御構晴日
亂鳴蛙樓前走馬無人問小袖黃衫外四家大駕南
遊云趙陪日走馬無人問小袖黃衫外四家大駕南
胡旋舞夜深張宴闕鵲走馬飛鷹策上勳虎豹絳旗
盡魯家臨關鼓吹擁皇華西迎漢使千金囊北送胡
姬百兩車法駕旋歸隔歲年傾城奔走徧華顛教坊
新奏回盤曲光祿先開天子巡遊御六龍胡虜遠藏
云宮車七月度居庸天子巡遊御六龍胡虜遠藏

萬里卻鳴金鼓下雲中聖皇神武自天成遊擊兵威
舊有名一騎獨馳三百里日斜同上廣洋城頓銳西
巡曲云龍顏日表映龍城青海灣西太白明前陣鼓
旂發夜雪後車弦管變冬晴孫繼芳北征還朝凱歌
云牙旗寶蓋耀星文倚鹿牽羊總百羣二十四通催
羯鼓帳前齊賀大將軍王謳塞上云角弓羽箭射黃
羊胡馬年來獵上陽可惜總戎非衛霍徒令威武白
君王王世貞正德宮詞云蜀馬分疆對打毬鐵腰帖
地浣青油金牌銀盤從渠愛誰敢爭先第一籌僊韶
別院奏新聲不按唐山曲裏名青鶴白翎俱人破十
三絃底似雷鳴金鰲橋畔柳絲長舫船頭有柘黃
六院少兒初病酒御前親自過魚陽窄衫盤鳳稱身
裁玉靶雕弓月樣開紅粉別依回鶴隊君王新自虎
城來夜半毬燈山未央俄傳鞞鐸向平陽六宮處處
秋如水不獨長門玉漏長

邊貢 三十七首

貢字廷實歷城人弘治丙辰進士授太常博士擢戶
科給事中改太常丞出知衛輝府改荊州歷山西河

南提學副使召拜南太常少卿遷太僕卿改太常卿
提督四夷館進刑部侍郎戶部尙書有華泉集十四

卷

四庫總目貢詩才力雄健不及李夢陽何景明善於用
長意境清遠不及徐禎卿薛蕙善於用短而夷猶於
諸人之間無憑陵一世之名而日久論定亦不受世
人之排擊昔薛蕙於嚴嵩爲同年頗相倡和及嵩柄
國蕙卽謝絕往還併削去舊作不留一字是集乃以
送嵩之作列爲壓卷不免見疑於清議然詩集爲貢
沒後其里人劉天民所編時當嘉靖戊戌正嵩熾盛
之日或天民無識趨附時局非貢本志歟
朱觀輝海嶽靈秀集華泉之作雖不逮李何然平淡
和粹孝廟以前海嶽之才無其倫比
四友齋叢說世人獨推何李爲當代第一余以爲空
同關中人氣稍過勁未免失之怒張大復之俊節亮
話出於天性亦自難到但工於言句而乏意外之趣
獨邊華泉興象飄逸而語亦清圓故當共推此人
藝苑卮言邊廷實詩如洛陽名園處處綺卉不必盡
稱姚魏又如五陵裘馬千金少年

詩數弘正並推邊何徐李每怪邊品第懸遠胡得此
稱及讀獻吉送昌穀詩是時少年誰最文太常邊丞
何舍人仲默贈君采亦有十年流落失邊李之句則
李何於邊正自不淺余細閱當時諸家若仲鳧德涵
敬夫子衡詩皆非長華玉繼之升之士選輩或調正
格卑或格高調僻獨邊視諸人差爲諧合不得不爾
明詩選陳卧子曰廷實粗率未除然時見精詣五言
尤稱長城宋轅文曰尚書才情甚富故能於沈穩處
見其流麗聲價在昌穀之下
國雅邊司徒集中如綠水闌門道青山建業城地入
河源渺天連塞日曛又晉連箭滅遺書在微子城荒
故堞留干盤烏道懸雲上五色龍江抱日流應是豪
華語
明詩別裁華泉邊幅較狹而風人遺韻故自不乏李
何邊徐並名有以也
田按華泉集燕蓼未薊今觀阮亭詩選頓爾改觀曹
子建常嘆異世相知誰訂吾文者阮亭真華泉曠世
知己華泉古詩佳作不及何李之多律體翩翩自是
風流一代人豪竹垞
專取五絕未爲知言

次何遜落日泛江贈魚司馬之作送劉美之

相投已盡簪相贈還留帶昨暮長安西今朝苑城外誰言車
馬地復得須臾會會君心暫悅去君心轉切秋岐蔓寒草隱
隱烟不絕歸雁影聯翩墜葉聲騷屑端居尙興感况乃萬里
別桂舸泝江湘何時到蠻泖蠻水夜悠悠月明登郡樓幽蘭
翠繁渚紫蕖香滿洲應歌楚人調坐惜勛名浮

戲簡王臨安同年

候子虎溪渡送子龍陂橋出城不相見征蓋倏已遙百金買
江魚千金買春酒期子會宜城飄忽過潼口追子漢江曲望
子峴山頭子有室家好豈知途路愁暮投城外寺急雨響高
屋安得與子同長歌對明燭子程忽早發吾鵠亦早留風塵
莽南北一別動經秋

題楊氏所藏畫

翩翩水禽飛灼灼水花亂柔豔雜幽聲紛紛滿芳甸悠悠畫
中意潏潏天機新彷彿曾遊處江南二月春

贈尙子

意氣憑陵一當百關西儒生五陵客少年學書復學劍老大
蹉跎雙鬢白門下諸生半賜麻閨中小婦猶炊麥布衣東來
謁天子春日醉卧長安陌陌頭花絮夕紛紛瓊閣如天隔紫
雲浩歌翩然卻歸去眼底誰是平原君

分題得鵲山湖送維正李憲副之山東

齊門東沙徑平雲幕幕湖冥冥使君來麥秋晚柳陰陰畫舫
遠瘦蒲疏荇逗遛香南浦煙光接西堰堰北山靈鳥聚對面

潺湲華不注山前綠稼隱茅茨舊是齊僊釣遊處橫燒越水
滸飛踏青芙蓉華陽洞口跨白鹿醉吹玉笛呼眠龍長鏡野
老逐李邕錦袍仙人隨赤松石壁土花秋靡靡古蹤悠然鎮
如此要留酒翰洗蛙蟬雨林夜黑唬山鬼

題金谷園圖賦得綠珠怨

誰言妾命薄結髮承主恩誰謂妾身輕寵冠金谷園園中桃
李千萬樹對妾妍華避無處徘徊歌舞曲未終門外戰鼓聲
逢逢當時只倚紅顏貴豈料紅顏爲主累主家高樓天與齊
妾身不惜委黃泥他生願作銜泥燕長傍樓中梁棟棲

題石田畫

平生不知石田子往往相逢畫圖裏世傳百本無一眞抹青

塗紫俱門人秋堂對此雙眼豁倏然置我溪與壑君不聞畫
家貴意不貴工只在冥冥漠漠中

贈張氏汝吉汝誠兄弟

魯川何迢迢太行亦蒼蒼行人躍馬出門去何異飛鶴東西
翔愛君此行飲君酒君家兄弟古無有夕郎清迴鵬鶚姿秋
曹盤礴雷霆手朝論同歸攬轡年家聲況是埋輪後青春衣
繡下中臺山東山西花欲開休嗟羽翼經年別早喜陽和及
草萊

送顧華玉分體得三五七言

送歸客送歸客東城復西苑碧草萋萋別路長蒼山歷歷愁
心遠愁心遠征駕不可留去年送歸陌上雪今年送歸江上

秋江上秋江雨霽返照入林光翳翳家在齊川未得歸年年
送客來沙際送歸客請客聽我歌我如水中鳧君如江上波
波流去不息鳧飛無遠翼迴燒轉岸君已遙薄暮徘徊此何
極

過壽陵故址

玉體今何所遺墟夕霽凝寶衣銷野燐碧瓦蔓溝藤成戾崩
年諡恭仁葬後稱千秋同一毀不獨漢唐陵

田按壽陵景帝臨取時所建英宗復辟帝崩於西宮
諡曰戾毀壽陵以親王禮葬金山成化十一年詔諡
曰恭仁康定景皇帝毛西河云西山有景帝墳傾圯
不堪人呼廢墳康熙中聖祖見之愴然爲置守陵
尉與諸陵等

望陵

憶在先朝日曾沾侍從恩
鸞輿歸寂寞鳳質儼生存
夕日低阡樹春風長澗繁
祠官如可乞長奉秦陵園

重陽後三日登雨花臺

一片金陵月荒臺對酒看水雲
霏冉冉江日隱團團雁早那堪聽
花遲未可飡凭軒望鄉國西北近長安

懷昌穀大理

孺子南州彥詞華早擅場
共憐廷尉府祇益簿書忙
寶鑑愁鸚鵡鹽車困驢驢
何時一艇去與爾泛滄浪

寫懷

欲逃中夏暑暫止上江船
夜卧對江月曉行披水烟
佳期渺天末良覲阻尊前
相問各華髮遙悲青鏡年

夜泊漢陽卻望武昌有懷矩菴

對岸武昌郭，清宵迴望頻。
離心繫舟遠，旅夢涉江新。
積水明疑畫，浮烟靄似春。
樓空黃鶴杳，延伫獨勞神。

贈別

獨持文字印，遙泛木蘭舟。
古驛尋京口，寒城過石頭。
誦聲分館夜，吟思捲簾秋。
欲問前朝迹，青山是蔣州。

別伯玉

君行不相見，卧病對春風。
世事浮沈外，交親感慨中。
古臺燕郭暮，流水晉祠空。
他日歌招隱，青山有桂叢。

趙御史坐留別

聽雨罷彈棋，蒼茫生遠思。
遙應白門柳，飄蕩綠煙絲。
旅迹江

花笑歸心海燕知倚酣方戀別休誦渭城詩

人日懷白巖侍郎

去年人日題詩處鄭氏茅堂人可憐出谷早鶯啼恰恰韻風
寒竹倚娟娟隨鑾并入青雲上解珮同歸素月前此日寂寥
驚旅食坐看亭雪撫流年

寒食郊行

來家曠前春可憐空山遲日起晴煙柳枝嫋嫋翠猶弱花蕊
菲菲紅且妍荒隴歲時還俎豆短牆兒女正鞦韆當年竹馬
歡遊地華髮經過思惘然

元旦次趙類菴宗伯韻

歲首江南久客身宦情寥落道情深極知佳麗非吾土且喜

逢迎有故人城上雪痕經臘在水邊梅蕊覩年新呼童早蠟
登山屐莫負陶家漉酒巾

次韻留別諸友

荆鄂相望一水開早秋爲別仲秋還乾坤去住眞如寄車馬
馳驅不暫閒白帝城頭烽火急黃牛峽裏戰旗殷江陵舊是
咽喉地蜀道東來第一關

送郤御史謫溫州

萬松深護理官衙嵐翠陰中閱歲華策馬暫拋臺府印登樓
常眺海門霞六朝秀句憐康樂四海名山說永嘉落落曉星
雲霧裏斗牛何日轉仙槎

登鳳凰臺次太白韻呈同遊諸公

苑中芳草玉珂遊苑外白雲晴日流多病未能拋短杖有懷
翻怯上高邱垂楊晚映秦淮水杜若春生謝朓洲靈鳥不來
阿閣迴酒闌空抱古今愁

元世祖廟

斷碑深倚廟門斜往事傷心付一嗟春草平沙仍牧馬晚風
疏樹偶棲鴉唐陵漢寢雖無主北幕南庭自有家欲弔魯連
何處所飛塵如雨亂鳴蛙

謁文山祠

丞相英靈迴未消絳帷燈火颶寒飈黃冠日月胡雲斷碧血
山河龍馭遙花外子規燕市月水邊精衛浙江潮祠堂亦有
西湖樹不遣南枝向北朝

明詩別裁後半神到甲信國詩此
爲第一起句及三四卧子改本

宴鄭氏園亭 二首

未須韋杜家家到一出城門便不同
折簡敢爲難致客披襟先受不訾風
中年畏病長辭酒他日重遊定作翁
聞有袁家紫開遍尙餘春色穠芳叢

觸熱遙遙一駐驂望中煙火傍山嵐
春回花徑殘紅少雨過林亭遠翠涵
此日圖書還客邸故人尊俎又城南
冰壺涼簟留連地時聽黃鸝聲雨三

登嶽次劉希尹韻

北上天門日未斜剛風吹我度谿衍
仙人洞古留丹鼎玉女祠高拱碧霞
深澗千年猶凍雪陰厓四月始桃花
秦封漢禪

俱牢落細讀穹碑感歲華

題畫二首

經旬不出戶忘卻城南道江亭細雨過一夜生春草
琴罷興不盡起登江上臺江空秋萬里不見一舟來

無題

庭際何所有有萱復有芋自聞秋雨聲不種芭蕉樹

靜志居詩話杜牧之一夜不眠孤客耳主人窗外有芭蕉居仁詩如何今夜雨只是憶芭蕉張安國詞點點不離楊柳外聲聲只在芭蕉裏無名子詞窗外芭蕉窗裏人分明葉上心頭滴古之愁夜雨者多以蕉葉爲辭高荷大芋非所憎也王元美詩廷實芭蕉不可言樹然維摩結經云是身如芭蕉樹而不堅固是芭蕉未始不可名樹元美之言過矣

秋日過西內園殿

御溝東畔古松盤
曾得先皇倚笑看
龍馭不歸鸞吹杳
石廊圖殿鎖秋寒

題扇寄希尹壽春

淮南花雨送春還
叢桂陰陰郡閣閒
自是劉安有仙骨
謫居猶近八公山

大堤

大堤女兒花見羞
大堤楊柳映青樓
金壺滿注樊城酒
醉殺狂夫不解愁

題天鵝海青圖

雲暗胡天雪滿衣
鴛鴦聲亂海青飛
李陵臺下陰山北
正是單于夜打圍

雲排大同來宣府來

東泉詩話王子衡赭袍將軍謠甚古質與李空同內
教場歌意致相同李詩不明斥赭袍尤極含蓄

四友歎 錄二

獻吉迹轉晦幽求日深造禮樂百年餘詞苑見古訓補袞燧

藻火敦彝薦郊廟如何夷門下弄月自長嘯 李員外夢陽

修撰冲靜士倏然類緇羽恥謁北司廬先幾竟遐舉一邱悅

性靈萬鍾乃土苴誰當薦陽綰大道條九敘 何修撰塘

別後再贈德涵

浮嵐冒晴巘驚風振華林枉節回峻坂高輿出遙岑層邱既
窺窈鬱木亦蕭森君子薦芳酌晤言開素襟憂時富危論探
道生遐心悲帝蒼梧遙弔屈湘水深嗟子秉幽尚及茲成滯

淫徒擬孫公嘯猶帶鍾生音事變靡常塗達機古所欽陶令
恥折腰三嘆歸來吟栖栖茲倦遊邈矣行抽簪

西山道院二首

西山立隱林登攀今偶爾澄澄蘿月上颼颼松風起冷然絕
塵想道悟從茲始橫琴聊一揮吾志在山水

仙臺俯靈渚——生華春屏氛坐幽館逍遙含清真今人苦
多事百欲奉一身邈哉河上公此道誰能陳

遊龍洞

陽阿春已暢百卉青不淺官牒憚煩贅素悰期野展祇林才
一舍幽深劇百轉雙闕對面峙峭壁自天斷豹蹲穴霧腥龍
卧洞雲懶春賞既勝地朋來况文選促工徵清歌攀岑恣幽

覽張弛合道符茲遊詎流洎遠追蘇門嘯竊附緱山管曠士
自殊訓今人苦多辯

發泗安暮泊湖州

山行苦登陟水涉意自洽南轡一雨瀉北湖千漲納岑岑帆
初揚瀏瀏風愈颯蓮歌夾浦聞漁唱隔煙答搖裔順流潮隱
見依城郭雲霞暮生變鳬鵝晚成匝蘊靈茲土勝探幽子心
合延伫湖上瀨杳然憶茗甞

明月沱

客行無次序向夕舟復維豈不厭水宿搖裔渺前期沱明星
月上江冷蛟龍移野鼓何填填宵火亦離離牛渚暮猿吟湘
潭傷楚辭我行方浩然我懷亦遠而流浪自古昔慨嘆及今

茲驚鵲塵定所荒雞詎知時行藏隨去住明發良不遲

秋水嘆

潛河之區田奕奕古來恐是雲夢澤江高地卑視盆盎一蟻
穴竭水爲國豆莢穀穗熟半強造次豈得禾登場賈客乘流
汎大舸農夫日暮啼空牆

別劉尹良貴

與子意不淺襟期忽此違江湖一相送鵷鷺各分飛世難幾
時淨宦情今已微那堪仙搖落風露入秋衣

答邊子對雨見懷韻

鍾山靈雲度海色晨雨彌天晡未休南隣垂柳有餘翠北沼
新荷無數浮懷人宛在水中沘眺遠已孤江上樓忽枉佳章

慰岑寂無煩揮筆強銷憂

漢上歌

悽斷羊公石多年卧草萊今人不墮淚古字日生苔

江南曲

儂是江南兒慣作江南樂黃金裝篴白玉爲捍撥

閩中雜詠

片舫連雙槳嘔啞雜哩囉慣聽吳樵曲羞殺閩中歌

秋興

片月上東方照我水西閣相對可憐影蕩漾不能掇

采菱曲

蘭舟夾畫槳素腕玉雙回蕩入南湖去菱波一道開

江南春思

二首

過卻清明穀雨開
遍梨花杏花眼看
青春強半王孫依舊天
涯

落花閨闥隨水芳草
萋萋掩門誰道江南
春色能禁風雨黃昏

烏棲曲

垂柳風清絲宛宛
碧梧霜冷子離離
阿誰轆轤汲金井
驚起雙烏月裏飛

蕪城歌

莫向隋宮問六朝
瑤姬玉蕊已煙銷
祇今惟有湖邊柳
猶對春風學舞腰

巴人竹枝歌

郎在荆門妾在家年年江上望歸查
茶蘼種得高如妾縱有春風枉卻花
郎上瞿唐儂自愁生憎風水打船頭
江靈若解渠儂意郎若來時水不流

徐氏東園歌

箏絲十四鳳凰鳴彈盡南聲與北聲
一曲伊州剛入破梁園詞客不勝情

朱應登 七首

應登字升之寶應人弘治己未進士除南戶部主事
遷延平知府擢陝西按察副使改雲南遷布政司右

參政有凌谿集十七卷

藝苑卮言朱升之詩如桓宣武似劉司空無所不搜國雅升之情過其才亦時出新語其函谷關歌全効高常侍稍有遊礙靈靈處對雪有風急仍舍雨天低微墮雲殆佳句也田按升之儼名十子究其才品在子衡之下康王之上

春山逸興圖

達人無俗情愛此邱壑美沈默寡所營日夕成徒倚春和林木潤雨霽氛埃止負杖出遠郊行歌向清泚大觀契物情幽賞洞立理晦明雲變樹靜激風行水寄興聊據梧忘言時隱几或者在洞藥亦洗臨河耳市喧旣罕聞朝籍將安齒以茲獲落心終老匹黃綺

六盤山

西北六盤山切雲一盤一折象天文穿林列騎交愁入嘯壁
哀猿近厭聞隴樹遙連邊塞盡秦關中斷渭流分清秋忽報
烽煙靜落日猶過虎豹羣

鳳縣道中

山下條梅動早春山腰棧閣倍愁人江流滾滾西通蜀斜谷
巖巖北控秦物色向陽猶旖旎客心隨馬共逡巡羊腸鳥道
開天險騁望臨高發興新

晚次盈口口號

盈口人家聚落成驛亭臨水有餘清龍光山色丹楓麗點綴
江痕白石明估客暗依殘火宿漁舟習傍急湍行蓴鱸萬里
虛乘興蝦菜一餐聊繫情

滇中懷歸

連巖望不極，唯見鳥飛還。鄉心落何處，日沒萬同山。

沿途詠懷

二首

螭頭噴沫響水谷，虹影垂河陡澗亭。交割雄州春樹色，黃緣滇海暮山青。

風前洱水白泱泱，雲裏蒼山晚更蒼。六詔只今歸一統，殘碑猶說段平章。

康海

九首

海字德涵，武功人。弘治壬戌第一人，及第授修撰，以救李夢陽坐劉瑾黨落職，爲民有對山集四十四卷。

四庫總目：海以救李夢陽故，失身劉瑾黨，敗坐廢，遂放浪自恣，徵歌選妓於文章，不復精思。詩尤頽縱。

藝苑危言康德涵詩如靖康中宰相非不處貴恒援
危率無大處分德涵既罷官居鄆杜葛巾野服自隱
聲酒時有楊侍郎庭儀者少師介夫弟以使事北上
過康康故契分不薄大喜置酒至醉自彈琵琶唱新
詞爲壽楊徐謂家兄居恆相念君但得一書吾爲道
地史局語未畢康大怒罵若伶人我耶手琵琶擊之
格胡床迸碎楊踉跄走免康遂入口咄咄蜀子更不
相見

靜志居詩話德涵坐援獻吉遂挂清議歸田之後耿
心詞曲其小令云真箇是不精不細醜行藏怪不得
沒頭沒腦受災殃從今後花底朝朝醉人間事忘
剛方後落了膺和滂荒唐周旋了藉與康論者原其
心而悲之沒時家無長物腰鼓多至三百副留心風
雅之日少宜其所就止此爾

田按對山救空同豪氣蓋世固是一時俊人惜詩文
不副盛名耳嵩陽雜識云空同與韓貫道草疏劉瑾
切齒必欲置之死賴康對山營救而脫後對山得罪
空同議論稍過嚴人作中對山狼傳以詆之考中山
傳故城馬中錫作王敬夫漢陂集亦有中山狼院本
論者疑對山以空同坐累空同特未營救之耳未嘗
逞凶反噬如傳所云云也疑別有所指余檢對山集
有讀中山狼傳詩云平生愛物未嘗量那計當時救

此狼笑我救狼狼噬我物情人意各無妨固無庸以
後人疑竇爲空同解釋矣

與呂子發許西

蒼雲爛白日長並轡遊辭曲房君去不來我心傷山寂寂闌
無侶愁檢故詩厯孤嶼孤嶼亭亭當大河下有萬尺之洪波
洪波萬尺有時盡此意悠悠君若何

短歌行

青樓下矚垂楊道紅粧結伴尋芳草修眉照月翠雙鸞杳撥
琵琶笑春早五陵年少賤黃金一聽嬌歌意便深千金願買
芙蓉幕不願千金願一心須臾樂盡夜窗白歡去悲生心脈
脈人生拘束朱顏飛飜羨幽州胡馬客

望龍池懷汝濟吏部

小殿俯芳林丹臺挹翠岑重來慰好興孤眺愜春心時序關
華髮邱園愛短吟如何韓吏部已放二毛侵

卽事

夕日登臨雨乍晴水光山色亦縱橫何須梵伎調銀甲自有
仙人吹玉笙萬里相思無雁至一年蕭瑟有詩成東籬又報
黃花發悵望空堂蟋蟀鳴

得伯循書將以十月見訪

葡萄釀作酒復置琉璃杯共君宛轉歌一日三萬回

扶風道中

鳳泉東是美陽城秦后離宮跡已平細草不知龍輦去城邊
日日喚愁生

和岐東許西夜歸之作

汧上行吟月下歸
露花涼透薜蘿衣
風流一似蘇門畫
直欠當年阮少微

豔詞

杳撥朱弦舞袖長
楊花默默杏花香
幾時逐得春遊隊
爛向東風醉海棠

二月九日同德充德一杏花亭集

醉後題詩滿四牆
感時乘興亦非狂
年年花發年年醉
更乞天公六萬場

王九思九首

九思字敬夫鄆人弘治丙辰進士選庶吉士授檢討

改吏部主事歷郎中坐劉瑾黨降壽州同知尋勒致

仕有漢陂集十六卷續集三卷

藝苑厄言王敬夫詩如漢武求仙欲根正染時復遇
之終非實境敬夫名位少亞對山而才情勝之倡和
章詞流布人間遂爲關西風流領袖
國史雅疑王九思遊春記或譏之云內李林甫擬長
沙楊國忠擬新都賈婆娑擬臨穎當國懼甚王賓寓
意於此時處分逆黨獨特對山漢陂過嚴官無以服
其心
國雅王敬夫才雋思逸鏡於綺麗譬之湖外碧草海
東紅雲流彩奪目其五言如雲壓嶺頭樹草連煙際
村金馬當朝彥銀魚隔歲焚山雲晴見楚煙樹遠浮
秦飛鳥三峯外孤城落照前七言如天外行雲難入
夢手中團扇易驚秋直造盛唐佳境
田按劉瑾請建義勇武安王廟於陝西興平縣馬嵬
鎮仍乞頒敕防護立碑碑文李茶陵筆也王敬夫馬
嵬廢廟詩云秋風落日馬嵬道南廢廟顏色新立
馬脚踟躕問野叟野叟須臾難具陳請子下馬坐樹底
展轉欲語還悲辛正德丙丁戊己年寺人氣燄上薰
天寺人原是馬嵬人大藥棟宇求福田馬嵬鎮裏東

丁鐵卷三

九

獄祠一時結構何參差直費神媚鬼意未休浸淫及廣
壽亭侯占民賦不與直費出帑藏多孟賊工徒淋
滴血滿膚盡夜無能片時息東樓西觀對南山巍巍
新廟成何棘翻羽客招呼至考鐘擊鼓空坐食更
有文章頌功德穹碑大書為深刻我木田家孟諸野
但認犁耙字不識往往才士過吟哦盡道台臣與乘
筆聽來依稀記姓李云是文章名第一豪華轉眼不
足恃乾坤變化風雷異寺人已作檻中囚道路忽傳
鄭報至當日台臣尚秉鈞寄語縣官碑可培橫曳碎
毀亟掩藏至今文石埋郊數子聞野史言坐來生感
激赫赫台臣苟如此寺人微細何嗟及月明騎馬陟
前岡仰天一笑秋空碧茶陵於康德潤王敬夫為館
師德涵喪母人謂銘表碑傳必求當時鉅公德涵曰
傳其親者在文章耳官爾何為自述狀徧送諸公德
涵又與李空同倡為文必秦漢詩必漢魏盛唐之說
詆茶陵為靡弱由是茶陵益憾康生及逆瑾誅德涵
坐落職敬夫亦牽連降免德涵以救空同得大名又
坐事彰敬夫因事波及於茶陵不能無深望感事
詩云中林有巨鳥自矜毛羽貴一朝振刷飛忽與飄
風會展轉萬餘里下息丹山背樓一初振刷飛忽與飄
泉瀨久假不自知殊非驚鷺類又漫興絕句云不有
李康持藻鑑豪傑爭趨懷麓堂又答王德微書云自

歸里舍有所述作擬爲傳奇紆情暢志不意親朋指摘瑕類投諸館閣發怒起禍幸以消阻蓋指遊春記事也敬夫於樂府爲當家詩亦富有才情惜質地龌漫未盡脫秦聲耳

對山草堂宴集

對客輒弄笛平生桓叔夏花時攜妓遊豈讓東山謝滿谿花
正香何必黃四娘雪兒歌楊柳花奴行玉觴斜陽挂遠樹勿
用傷遲暮不見平津侯一朝起徒步漢殿影娥池吳宮香水
溪昔人那可見唯有烏夜啼

聞盜賊且至登壽州城樓野望示避盜諸君子

寇盜東南近吾生去住難舉頭惟見日何處是長安野迴愁
多壘樓高獨倚闌佩刀逢郡吏垂涕說凋殘

潯西庄春日行樂詞

五首

繞屋花堆繡當筵酒似油青童珠絡臂紅伎錦纏頭深院歌
嬌鳥垂楊繫紫駟謝公行樂地不羨五陵遊

裊裊鳴仙珮盈盈出洞房盤雲高髻子疊雪繡羅裳倚柱調
鸚鵡吹簫引鳳凰煙花春日暮沈醉紫霞觴

渭北神仙府春來樂事多花枝侵舞榭日色豔宮羅麗曲嬌
鶯妬紅顏細馬馱更憐明月上流影入金波

十二層樓外和風醉牡丹紫雲臨綺席朱袖倚雕闌嬌燕含
羞語名花帶笑看歡悰猶未厭天際駐青鸞

金馬當朝彥銀魚隔歲焚高樓丹鳳麓閑卧碧山雲湘瑟春
風渡秦箏月夜聞太平無一事只合醉朝暉

本事詩蒙叟曰敬夫與德涵放逐鄂杜間日夕過從
徵歌度曲以相娛樂敬夫將填詞以厚費募國工杜

門學按琵琶三絃習諸曲盡其技德涵尤妙於歌彈
酒酣以往搗彈按歌更起爲壽今所傳詩西行樂詞
風流餘韻猶
令人想見也

春興

憶在梁園詩興發
康王城北見黃河
信陵公子蕭條盡
白髮
侯生感慨多
落日酒酣提劍舞
中流風起扣舷歌
十年徒侶
仍疏濶
裊裊行雲奈爾何

雨晴遊後園

濃雲初斷暮山雨
返照忽明春徑泥
樹底花落何忍見
牀頭
酒香誰共攜
家家寒食月欲上
處處鞦韆牆更低
奚奴款段
莫相負
明日出遊還水西